

Jutze tüend mir scho syt Jahre

e / c / g (2st. Jodel)

1.T 2.T Bässe

Jutze tüend mir scho syt Jahre,
früsch und froh us luter Freud. Vieli
Lieder händ mir gsunge, stolz i eu-
sem Jodlerchleid. Musig isch für
viele Mänsche, Troscht und Chraft
zu jeder Zyt. Drum söll s'Lied no
lang erklinge, Freude bringe gar so
wyt.

Eusi Stimme, eusi Lieder, und au
d'Fründschaft mitenand. Dankbar sy
für all die Gabe! S'isch es Gschänk
us Gottes Hand. Musig isch für viele
Mänsche, Troscht und Chraft zu
jeder Zyt. Drum söll s'Lied no lang
erklinge, Freude bringe gar so wyt.

Hüt tüend mir drum jubiliere, i de
grosse Jodlerschar. Wünsched,
dass es eus mag glinge, Fründe
z'sy no viele Jahr. Musig isch für viele
Mänsche, Troscht und Chraft zu
jeder Zyt. Drum söll s'Lied no lang
erklinge, Freude bringe gar so wyt.